

陶文毅公全集

陶文毅公全集卷五十六目錄

詩集

七言古詩

渝州官署答李壽兼寄漢中嚴太守

有序

紫柏山張良廟追次趙文肅公

貞吉韻

嘉慶己卯初夏顧南雅以蒼山試院映雪校文圖

屬題適余出官川東怱怱檢入行篋明年冬擢

晉臬又明年秋移閩中臨發始作此以塞前諾

雪泥鴻爪亦他日情話因緣也

題蔣心餘先生攜二子游匡廬圖長卷應小榭上

舍

志伊作

題史閣部答吳烈婦子手卷

有序

汪芝亭太守

思

得古畫一幅無款識可考所畫人

物樓觀細入毫秒翁覃谿閣學審定爲閻立本  
作芝亭以米南宮書歸去來辭合裝爲一冊索  
余賦之

次韻題王子卿先生

澤

看梅懷人圖兼簡黃左田

尙書

鉞

當塗青山西北麓有李太白墓過而弔之

秋夜讀吳巢松侍讀詩題後卽次兄寄原韻

采石登太白樓作歌

乙酉六月二十日抵清江浦天氣甚熱運夫數萬人般米過壩由河口接運赴通州也

次屠琴鳴傳歸舟雜感二十六韻

題藝蘭種竹圖爲王九峰作

題趙介山先生奉使琉球遺照

虎邱南麓白太傅祠內舊有懷社閣仰蘇樓同人新構軒於後肖太白像予爲書扁曰慕李五月一日落成因設祭於祀四公作詩紀事

題西泠聽雨圖應雪枕時洪澤湖疊漲甫從淮揚勘水回蘇城也

蘇州尙衣延淇園有女公子未嫁守志賈東畚侍

郎敬而拜之然贈以詩尙衣出以屬和

紀曉嵐師雙瓦硯歌應梁茝鄰同年

鄧湘皋客邗上臨歸寄聽雨圖冊屬題涼風瑟瑟

殊動入鄉關之思也

京口開河偕同事諸君觀放水作

爲陳芝楣鑾題閒園十景圖

醉髯圖歌爲周若山師賦

丙戌秋侯貞友以畫幅見貽明年閏夏梅雨初晴

偶成一詩報之

題淵明詩意圖

有序

登虞山望海歌

戊子二月十七日吳淞江工竣開壩放水作

豐豫莊區田詩謝潘功甫惠新米

朱知州殉節紀事

有序

題韓襄毅公賜游西苑記卷尾

文綺園尙衣觀瀑圖

紀文達師九十九研齋第九十九研歌

送吳蘭雪同年之官黔西卽次題拙集原韻

梁苴鄰玉帶還山圖

**THE UNIVERSITY OF CHICAGO**

三

汪少海孤山尋梅卷子

新建陶節母壽萱圖

貞女朱氏頻伽禮佛圖

詩集 七言古詩

渝州官署答季壽兼寄漢中嚴太守

有序

到渝兩月料理公牘靡暇兼上年旱歉民乏食  
督率各屬捐賑借糶未敢云有濟也川東鹽務  
多閒於公私之間官鹽價貴則私販競起在事  
者欲繩以法私販未靖而良民先擾非凶歲所  
宜迺力主減價之議大府允行百姓便之官引  
暢銷而私販漸稀矣適得嚴樂園先生書亦以  
爲言家季壽大令自鳳臺用坡公韻見貽次韻  
奉答兼寄太守嘉慶庚辰三月

我聞嚴家無格鹵又聞苛政猛於虎二者寬嚴貴  
適中稍不斟之爲亂府譬諸干戚主發揚必同琴  
瑟諧鐘鼓深山草木自蒙蔭未可無端弄斤斧不  
見雷霆挾威福和而從者惟風雨平生衣被志萬  
家自顧挾持無寸縷一從製錦學牽絲始識綢繆  
多疾苦年荒穀貴易傷民仰而瘡痍更誰數爾來  
三月况無鹽淡食難修瓜蒞譜固知息火在抽薪  
底事防川空障土斥鹵桑田一轉移令下歡呼掌  
齊鼓溷箒何須更食私炊煙行見香生甌此舉端  
由大府仁賜梟遂化儀鸞舞豈意江河愛細流翻

採芻蕘蒙重語

制府蔣公書來有云減定鹽價一事民商無不樂從辦理可謂神速

皆由閣下清廉持正故能不介而孚讀之增愧

吾家季子久馳驅平日惜

陰志繩武千里貽詩言利病琅琅國風應可補漢

中太守復有書直云簡靜斯爲主遙遙相印若符

節

來書云閣下敷歷諫垣諸所敷陳靡不通達治體比年巡視漕河整刷刁彫杜絕苞苴足徵爲

守兼優巴渝一帶撫綏較難所望崇簡靜之風治以勿擾

區區不待夸珪組多

謝羣公意懇殷所愧補苴異循拊屋梁落月天一

方每奉瑤華宛親睹詩成聊代草怱怱相思目極

雲端羽遙知郊外課春耕社鼓方當祀田祖

紫柏山張良廟追次趙文肅公

貞吉韻

十年兩走連雲道蹤跡瞥如山外鳥山靈似笑人  
將老顏色已無當日好學宦何殊秦吉了日歸未  
能况能早君不見張良廟前紫柏深往來躡鐵幾  
銷沈

嘉慶己卯初夏顧南雅以蒼山試院映雪校文圖  
屬題適余出官川東恩恩檢入行篋明年冬擢  
晉臬又明年秋移閩中臨發始作此以塞前諾  
雪泥鴻爪亦他日情話因緣也

點蒼之高高萬丈幻出先生筆尖上點蒼之奇奇  
莫比卻在先生奚囊裏先生之銜一條冰廿年芸

館聲峻嶒先生之貌千尺雪凜凜聰明照高節手

持一卷冰雪文

用成句

試院校閱何辛勤眼前突兀

起方寸座中恰對點蒼雲是時春光正融霽和風  
在樹花都麗惟有山頭雪未消太古高寒渺無際  
瑩然玉色排闥來先生對之懷抱開便令好手作  
圖繪尺幅中有千峰皚我攜此圖昔入蜀曾對峨  
眉掃寒玉今年持節叔虞國又向貌姑印膚色篋  
中來往已三年欲賦此圖難著墨卽今將作八閩  
游武夷九曲行夷猶霏霏雨雪楊柳陌但少先生  
雙玉尺詩成莫付郢中兒留作他年鴻爪跡

題蔣心餘先生攜二子游匡廬圖長卷應小榭上

舍志伊作

五嶺逶迤來越閩近海忽西如驥奔飛流直上二  
千里勢與彭蠡爲捍門山高不列嶽鎮內亦如幽  
士辭其羣峨峨孤冠插雲表古來居者惟匡君藏  
園先生老詞伯峭骨疑是山前身香名廿載溢蓬  
壘才子之目由

至尊鑑湖歸隱頭未白芒屨竹杖行相親茲山李白讀書  
處奇絕天與資詩魂赤鯁公踏白龍舞懸崖峭壁  
走且捫大兒小兒左右侍臣詩臣筆皆能文眼看

橫側出妙慧西龕東嶺交氤氲山靈一笑喜相逐  
先生此游殊少倫籃輿昔日昇陶令曾攜二子歆  
酒巾髯蘇來時現寶蓋一翁二季亭猶存回思此  
樂如此客千餘年來能幾人傳家有業識貽厥繚  
繞圖軸生煙雲卻觀題識歲在戊覽揆憶我生之  
辰余生戊戌冬與此一  
圖皆四十五年矣一箭半節夢宛在余嘗夢先  
生出示一  
箭半節圖覺而不省所謂偶與趙笛樓前輩  
談及趙言藏閨忠孝人也殆寓忠節之義云  
向來  
一瓣香曾薰此行未入廬山社題句聊參雪竇因

題史閣部答吳烈婦子手卷

有序

烈婦桐城人姓姚氏適諸生吳某明末罵賊死

史公

可法

時爲監軍道特疏旌之史公丁內憂

氏子

德堅

以書唁史公答書張文端公

英

作跋

今存吳侍御

廣枚

處烈婦六世孫也

於孀夫人桐城一女子罵賊之烈乃如此夫人烈  
矣子復賢史公表之非偶然耿耿元精照碧血六  
十九字星斗懸我來讀公書想見公當初綱常決  
裂惟憑赤手扶門下一唁帖猶必公親手思將忠  
義結人心十畝立答風生肘誰歟跋者相國張陽  
秋字宇皆冰霜羣公題識寫妙墨大興二老慷慨  
尤激昂

朱石君翁覃溪二公詩  
尤古聲皆史公同鄉也

伊余後來附驥尾

亦握寸管思掄揚於序史公書此此何時羣盜如  
麻已不支梅花嶺上孤魂泣多少士女愁仇離於  
序同時此離多士女難得夫人能有子夫人有子  
子又孫科第連縣世其祉從來節義後必昌請看  
史公書一紙

汪芝亭太守

恩

得古畫一幅無款識可考所畫人

物樓觀細入毫秒翁覃溪閣學審定爲閻立本  
作芝亭以米南宮書歸去來辭合裝爲一冊索  
余賦之

閻浮世界藏須眉百億萬相生光輝偶然彈指露

端倪納入寸幃微乎微參差樓堞隱夢楣人馬騰  
沸輿從馳冥冥大眼定中窺排空非想想非非分  
毫釐撮秒忽絲不可思議以目治古來能此工者  
誰吳道子輩嫌腫肥神斤鬼斧無可施謂閭右相  
筆庶幾絕無款識况留題厯千餘年莫或知蘇齋  
精鑒照不疲未敢邢尹儕姜姬怪哉神物合有時  
老顛好事此獨遺乃留一幀與附麗娟娟靜好絕  
世姿窈窕固是王所如我疑造物先排差空中妙  
手偶得之裝潢一冊重襲緹顏曰合璧理則宜汪  
侯好古世所希兩賢何幸相因依他年載石江邊

歸玉虹照耀天南陲

次韻題王子卿先生

澤

看梅懷人圖兼簡黃左田

尙書 鉞

尙書昔判中書紙挑燈每夕聞鐘起先生清夢到  
江南忽憶尙書古梅裏瘦榦銅蟠根鐵旋幾枝蕭  
寺神爲傳題詩補畫極韻事前身並是花中仙仙  
人別花經幾年圖中花色猶依然一龕記同老彌  
勒栴檀舊荀皆前緣先生今歸此習靜尙書官高  
門故冷懸知廊廟念江湖未必雲山妨簿領江鄉  
此日誠艱難澤鴻亂叫無羽搏聊憑驛使寫楚慙

五月落花吹更寒

當塗青山西北麓有李太白墓過而弔之

詩可以泣鬼神酒可以傲天子太白睽睽長庚長

千百年來公不死平生頗笑杜公苦餘子紛紛更

誰數低頭卻向謝宣城應爲青山一坏土青山卽

是謝公山特詔更名在此間

唐天寶中詔改青山爲謝公山以謝朓嘗

居此見范傳正記

玉棺移自龍山麓

白初葬龍山東麓當塗令諸葛縱爲改定

於此姑熟溪臨水一灣水一灣墨一池鍾山厯厯有

若掌中卮仙乎仙乎公乃醉於斯長松謾謾風吹

枝若有人兮山之墀

墓前有祠古柏一株甚岑黝

秋夜讀吳巢松侍讀詩題後卽次見寄原韻

吳公健者尤嗜古造化無功筆能補狂歌痛飲少  
年場頗似李生雄跋扈邇來深造轉無奇諦入三  
摩參佛祖論詩人我相俱忘濟世舉夔心獨數大

河南北策轡車

時督學河南

木鐸聲諧大昕鼓亦知湖

海氣全除翰林風月能無主十首秦吟白老心曾  
讀救荒新樂府感時更寫澤鴻音語不能甘聲獨  
苦祇疑凍雨灑菰蘆不比閒雲弄機杼昨者江鄉  
罹水患長風捲沙失汀浦百尺銀山駕海濤林端  
遙見炊懸甌居民半餉長橋蛟過客猶哀泰山虎

支持赤手愧無能差幸春回民力普

廟堂更喜廣嘉猷金飭探名得房杜

蔣制軍入閣協辦

請雨真

宜符效靈金芝告瑞喧畿輔

直隸督署產芝

兒童走卒盡

歡呼何事癭生彼人怒良宵撫几一長吟願借君

詩爲治譜

采石登太白樓作歌

維舟避熱牛渚口遙見白雲山上走上山起踏白

雲後白雲忽入山之牖太白樓中若招手招我入

山訪石友入門上樓層級陡樓上樓下松橫畝森

森萬木樓左右蕭生畫好得未有四壁暗聽寒濤

吼匡廬瀑布翻雲白西接峨嵋雪色厚泰山華山  
雄地紐天與作鎮當卯酉靈奇遙峙魁且黝灑然  
對之坐良久早有雲夢吞八九是時秋未至秋氣  
先已催夕陽明滅半在樹長風倏起從天來左提  
奔蜺掣電之寶劍右把吸川倒海之深杯江聲浩  
浩風濯濯但覺俯仰百感集蒼茫遠色生高臺酒  
酣拔劍歌莫哀世間何物非塵埃惟有白也真仙  
才騎鯨一去不復回青山零落土一坏我昔爲爾  
掃莓苔張生奔走治衆材

癸未六月勘水至青山北麓見太白祠墓顧此

語常塗張生寶榮修復之

此來酌酒同金罍望中依舊青山鬼

出水皓月何佳哉蒲帆十幅迎風開海雲東指珊  
瑚堆今我意欲觀蓬萊濯足扶桑凌八垓塲堂杯  
水吁足哈十洲三島期爾相追陪

乙酉六月二十日抵清江浦天氣甚熱運夫數萬  
人般米過壩由河口接運赴通州也

車聲轆轤人如蟻運米漕河無勺水萬竿楚舳與  
吳檣涸向湖漕價不起去年湖漲風忽顛吹浪作  
山山倒懸白波捲隄不周垓奇石莫補媧皇天今  
年引黃向南走要救目前計非苟豈知揖盜一開  
門遂使防川同塞口轉般今無落日倉寄屯忍奪

居民房勞勞汗血豈得已肩囊背橐相扶將扶將  
更爲圩田急紅稻已枯鸚鵡粒不須聽取老農吁  
船底似聞鰕蚌泣

次屠琴鳴倅歸舟雜感二十六韻

今年我病臥秋榻瘦骨支離如野衲呻吟幻作瓦  
釜鳴八斗才窮少升合杖藜強起力猶絀老矣吾  
衰蓬鬢颯昨來忽喜接君詩爽似明珠初剖蛤連  
篇更得廿六韻挽底陰陽爭闢闢雷公吐火萬星  
飛天女弄梭玉組雜詩才如此定誰如作作一條  
龍出匣昌黎力起八代衰相勛與君掃庸闕憶昔

淮南視漕時

子乙亥冬視漕淮安君時爲儀徵縣

奔走江干日汲汲

公餘談笑接詩人上座惟君進非臘刻楮初成數

卷詩爲我題辭到巫峽縱橫秦漢俯韓蘇

縱橫秦漢以還

事俯仰韓蘇一輩人

君題余蜀道集句

踣倒白鹽翻赤脚此情此景

宛目前暗換階蓂百廿葉我猶奔走君竟歸稱長

五湖鷗鷺狎搗來江國逐雲龍收斂笏牙一平揖

道光

聖人卽位初登進羣材廣延納朝收暮取拔其尤遠逮

巖傭近漁笠不才奉

命首臬陳

庚辰十月謝首臬恩命擢晉臬

君亦田間

詔頻集

辛巳秋君以病假在籍旨擢袁州守旋調九江均未赴

特

異數如斯古所

稀稠疊

新恩愧難答貢公已彈座上冠卞和不作荆山泣吾儕  
何幸際

熙時所願歲豐民氣洽江淮比者困河渠太史書陳多

涉獵艱難宏濟豈余能賴有羣賢相應接

時方議海運事

舳艫航海本前猷禹貢書存揭石夾君今新從海

上來議論起予味殊蠟懷哉努力出山雲街鼓鼙

襲破殘臘

題藝蘭種竹圖爲王九峰作

王君少讀桐君錄入室香薰人不俗心儀楚客愛  
滋蘭家本瑯琊宜種竹平生雅抱濟時心槐庭舊  
澤多新陰門前植得千人杏但見於菟日守林今

時老矣人未老顏色如春氣常好聞根久斷轆轤

藤

王君耳聾已久

心蕊時開吉祥草頃從三茅頂上來爲

余天漿斟帝臺廣陵濤色起沈疇賦手未用誇老  
枚固知回生須妙手大藥青囊常在肘琅玕日與  
報平安瓊玉天教茁芽紐繫余本是湘西人九畹  
香多水竹鄰年來松菊拋三徑軟紅十丈趨風塵  
瘡痍難起閭閻病病到河渠力徒競撫時愧乏活

人方刀圭欲乞從君問

題趙介山先生奉使琉球遺照

憶昨轉漕浮吳淞開船打鼓聲隆隆天精百萬道  
溟渤龍蟠一氣乘長風寶山無山有高壇登臺一  
嘯風雲改書生意氣挾虹霓不并春潮但觀海歸  
來忽遇乘槎客廿載圖中識顏色

制策曾窺鐵石心

冊封遠到琉球國琉球地隔海東南候律瞻雲聲教覃人

米琉球地

文風故無恙錦衣玉貌留香龕我觀此圖

重歎息恍惚明霞射朝葩百靈呵護耀龍旌蜃邸

駭伏天吳匿祗今海道平如砥來往雲帆一杯耳  
發運慚非作楫才卻望膺舟渺雲水

虎邱南麓白太傅祠內舊有懷杜閣仰蘇樓同人  
新構軒於後肖太白像予爲書扁曰慕李五月  
一日落成因設祭祀四公作詩紀事

道光丙戌月夏五我來虎邱謁樂天樂天昔來乙  
巳歲寶厯距今十二年當時蘇州十萬戶嬰颺臨  
去衣爭牽庚桑尸祝遺祠在村巫社叟交神絃東  
武西武盛游跡薦藻豈可無一椽仰蘇懷杜匪好  
事多公雅調同壺籩簪之東道有刺史二公流寓

來賓筵公與杜老皆子子花甲一周相後先坡公  
後公又二百一堂同會真歡然獨有李侯不得與  
豈非缺典遺前賢虎邱夜宴事已邈太白有虎邱夜宴序本集  
遺之今載全唐文內臨風猶想仙乎仙侯於諸公本前輩禮  
之上座開中軒我為揭扁曰慕李登龍此地非無  
緣即今飛鳧耀江浦恍惚一似膺同船髯公大笑  
白也醉臣甫攢眉無一言子美年二十餘游吳趨無詩今集中所有皆三  
十歲後眼看白老擅吟興一月一度多詩篇白詩一年  
十二度非平生大庇豈虛願德星已聚斯堂前吾  
儕為樂匪詩酒所貴尙友同周旋西街亭午日少

熱候吏致語催錦鞵卻憶公來正端午離離黃麥  
搖江邊

題西泠聽雨圖應雪枕時洪澤湖疊漲甫從淮揚  
勘水回蘇城也

我昨自淮南汪洋親跋涉篷窗日日雨聲來颯似  
西風摧敗葉老蚪跳梁朱豔浮眼看赤子盡魚頭  
此時心滴芭蕉碎何處響傳蘆荻秋展君圖畫雲  
如墨卻對西泠憶鄉國幾時歸權武陵溪共君看  
雨桃花色

蘇州尚衣延淇園有女公子未嫁守志買東畝侍

郎敬而拜之。然贈以詩。尚衣出以屬和。

山骨稜稜石齒齒。大風不瀾井底水。世間真氣卽  
須眉。女中今見奇男子。女生未嫁猶綺年。一旦冰  
霜摧所天。嫁殤非禮古所禁。相依親側心長堅。心  
堅似玉冰霜守清標。非復人間有黃鵠。高飛志不  
羣。縱有鴛鸞弗成偶。堂堂相國舊名家。列棨門前  
雙戟牙。委款導詞通麴餅。似聞揀使轉咨嗟。聞諸  
天子生唏噓。如此可憐亦可快。抱膝難違父母心。踵門  
曾下公卿拜。吁嗟乎古來萬事多不平。地亦有陷  
天西傾。所賴維持有奇特。男能忠孝女全貞。抽毫

爲補采風錄我筆能香人似玉安得如女人百千  
爲我振起頽靡俗

紀曉嵐師雙瓦硯歌應梁茝鄰同年

八川東去黃圖闕漢家宮闕爲平地鴛鴦不共劫  
灰沈瓦間認取長生字惜哉歐趙錄竟遺二千年  
來黠精懿一朝破土出靈光闕中金石添新志巧  
匠程材用不違礪之爲硯歸埏埴蕭相圖書叔孫  
禮硯兮閱盡西京事河間夫子當代宗湯盤禹鼎  
羅心胷蓋底恰宜二美合製成象應圓規重琢銘  
不已記諸匣一再命彼攻石工是時乾隆歲丙午

秦中大府多嗜古剗苔剔蘚訪籀斯倡者弇山和  
青浦中唐有璧遠持贈恰稱橐駝載石鼓此瓦因  
之遇大賢質重陶泓鎮書府土花斑駁六閭煙墨  
瀋陰沈二陵雨祗疑水寫石鯨飛詎等臺荒銅雀  
舞款識重尋建始年摩挲不藉宣和譜梁子早歲  
游公門受知三世兼祖孫和凝衣鉢已全付重以  
石交期勿諼殷勤贈別出紀獻大車以載歸壓轅  
回首歲星幾柔兆手澤心香今獨存鏡煙堂中久  
寂寞門下士亦多老髡九十九硯且星散蟾蜍淚  
滴秋風痕羨君得此如得寶古篆雲雷肆幽討齋

名漢瓦罇溪書天與風流追二老人襄樞直

鳳池偕出伴吟鞭

豹旂早圭璋清望勵

熙時那祇韓門稱浞島余亦階前瓦礫姿建章甘泉非  
所知但逢故物夸數典未免賸馥慙支頤文字淵  
源重師友古今事業鐫鐘彝與君葆此願勿替請  
看長生無極辭

鄧湘皋客刊上臨歸寄聽雨圖冊屬題涼風瑟瑟  
殊動人鄉關之思也

十年不聽瀟湘雨馬上輕衫滿塵土忽把君圖憶

故山奇石英英雲午午棟萼猶支樓外春蕉心漫  
滴窗前苦歸歎飄泊異彭城翦韭相將問鄰圃

京口開河偕同事諸君觀放水作

大風北來何浪浪江水勁立如挽強金焦浮沈但  
兩點眇眼落日灰沙揚萬夫嘔呀集壩口揮鍤剗  
土如剗牆一聲破的勢箭激砉然倬漢摧銀潢星  
飛電掣不得住鼃鰱厯亂魚鰕忙船逢下水自疾  
駛快哉此水尤滂汪榜人篙師盡笑樂倏忽已過  
千帆檣年來馮蠓苦多事

天子盱食塵宣防丁船兩載滯河北危隄一綫分淮黃

區區航海豈得已旁門後戶聊輸將爾來漕艘幸  
歸次火符絡繹催新裝預愁夏漲阻清浦先遣冬  
兌浮吳艗天寒日短事疏濬十夫荷鋤凡九僵拊  
循豈有挾纊術且喜晴雪搖紅光重灘古淺記明  
史軟泥自昔難具許

明史河渠志丹徒  
豬婆灘多軟泥

或云隋皇

始開鑿地脈雖斷時翕張或云其下通江海噴沙  
塞谷非斗量或云豬龍實作祟兩乳臃腫多渾漿  
自來無人敢施鋪探之靡盡徒綆長我謂此語悉  
妄耳試窮其源庸何傷同時諸君一心力夙夜趨  
事誠黽皇果然深入得底裏蛟宮一掃皆明堂淤

泥蓄積蓋已久俗語傳說滋荒唐百年疑案始一  
破瀉水到此如灌塘香秫卽日通禹貢來往利涉  
同周行愚公移山殆類此莫訝智叟河之陽

爲陳芝楣

鑾

題閒園十景圖

我觀君之圖此園知有精意存其間世人好動不  
好靜故揭此園名以閒閒者在心不在物天真湛  
然中獨完不然古人戒無逸夜不遑寢晨忘餐寸  
陰可寶非尺璧詎有光景供流連惟其不閒閒乃  
見方塘流水皆琴絃花開鶴舞不岑寂時聞竹外  
鳴春泉空階月落雨氣足側想耕野多烏犍此時

主人正拜石相與物我同周旋  
蠲除煩苛得佳想  
臥閣且喜人安便  
從來好整必以暇  
此意勿與申  
商傳

醉髯圖歌爲周若山師賦

醉髯歌歌醉髯髯今一拂風颯然髯也一醉酒十

船早年曾作秦中客漢陂百斛翻雲液太華峰巔

石氣高獨倚青天呼太白偶攜琴與鶴去作衡湘

游秀才從軍著兜鍪

師以大挑知縣分發湖南值三應苗變在軍營理饗數載

三十六灣草幾綠七十二峰秋復秋五斗折腰不

到口種秔種秫皆無收

初著衡山旋補臨湘惟留調湘潭因虧案墨誤

洞庭一片席野水連天漲秋碧壚邊巴陵女樓上  
回道人相逢一飲三千春世事擾擾何足陳祇今  
八十矣圖中顏色猶昔耳抱膝道間醉六經時主講  
陵掀髯快論酬諸史談深忽憶少年事蘇門曾把  
孫登臂幼客輝縣故居遙指海雲邊島上羣仙多爛醉  
歸來乎有田復有村醉鄉千頃在家門天真期獨  
葆舖糟啜醢安可云乃知髯也絕倫而軼羣

丙戌秋侯貞友以畫幅見貽明年閏夏梅雨初晴  
偶成一詩報之

剡溪一幅廣盈尺上有落落千仞石不偕米老與

倪迂別作夷門好風格前身本是蒼髯翁人間凡  
豔那堪摘卻將爛漫數枝花點綴孤峰潤臞瘠世  
人作畫畫而已君以詩情通畫理六十生兒未是  
遲官得廣文冷猶喜興來墨雨走天風掣底穠華  
散桃李石亦不必瘦花亦不必肥牡丹能無富貴  
相莽莽卉木相因依廣平孤高不絕物魏公斌媚  
知者稀想君持贈之意蓋如此從君更問是耶非  
題淵明詩意圖 有序

無爲州牧劉君

用錫

出其祖司空浦三先生淵

明詩意圖索題其曳鋤立者司空也拄杖攜稚

倚門者贈公朗齋翁也牧牛歸者得魚罷釣者

二子鴻臚公謹之詹事公種之即用錫父也卷

中人物如生神彩飛動畫手無錫華慶冠作於  
乾隆己酉時司空方貴盛二子早達乃有栗里  
田園之興蓋其寄託深矣四十年來未有題詠  
劉君請自余始爲賦長句歸之

昔者白太傅作詩始效陶坡老海外來和陶詩益  
高陶公古隱士何以興起百代之賢豪高人性本  
薄塵網雲歸鳥倦彌知勞譬諸箏琶聒俗耳素琴  
更以無絃超松菊未荒三徑在依依墟色煙周遭

南山種豆南村穫私田秫比公田饒短衣曳鋤者  
誰氏舒嘯居然事耘耔大兒牧歸牽犢肥小兒釣  
罷得魚美養志真能慰倚閭候隙遙看迎稚子一  
枝筇杖晚風前茅屋方塘照新水桃源世界此中  
人不道朝衫映金紫祇今事業逮曾元風景依稀  
尙故園六十年來祕巾笥可知欲辨已忘言茱萸  
江上吾廬隘曾記潯陽通一派下巽田蕪草木長  
浪游每被江神怪何時攜幼訪農人青山到處皆

圖畫

登虞山望海歌

崑崙南走屹雲嶺穿黔跨粵入閩境玉山忽倒起  
黃山樞馬脫韁失阜騁萬里到海一回頭千尋突  
立天隅頂東西蟠互卅里強氣象龐然鬱森挺我  
來乘興扶瘦筇獨立縹緲之高峰羣松篩風竹雨  
立千巖萬壑酣笙鐘齊女墩前壘黃土望海喜得  
開心胸雲帆厯厯轉遂左嬉春浪暖恬魚龍狼山  
勢與甬東接隱隱島上三芙蓉羨門安期不可遇  
褰裳欲往誰能從卻從巖下視拂水暗風忽激衣  
袖底萬頃昆湖水拍隄常年秋禾此中死福山口  
塞白茅淤一碧遙天迷起止鞭山走海起疲癯囊

底叩智嗟已窮扁舟明日吳淞去不信大海多迴風

戊子二月十七日吳淞江工竣開壩放水作

東南水利首太湖三江分洩通尾閘吳淞居中勢尤順建瓴萬古惟東趨六府一州若堂奧開闔門戶此其樞邇來沙泥日壅塞潮水遠隔唯亭隅篙人漁郎望太息涉淺幾化舟爲車遂令旱潦靡所備百萬億頃田無租

天子臨朝下

詔諭南顧竊恐民其魚道謀築舍凡幾載一旦豁然成

鴻渠

吳淞自癸未水災後屢欲浚治未果去秋礪堂節相至始得會議甫拜摺而廷寄適至

仰蒙

聖詢

及之遂得舉行

潮迴可使蜃舍避路直盡斷羊腸

迂

自青浦井亭渡起至上海曹家渡止工長一萬九百丈强家灣居家灣改直二千餘丈

天

寒日短勞弗勩自冬迄春五月餘今朝開壩息畚

鍤萬人邪許聞歡呼濤頭一線立海色恰有淨綠

光平鋪

是日丑刻開青浦上壩午刻開上海壩潮大壩

檣帆乘風行客樂

魚龍得意爭歸墟推波助瀾勢未已且喜百年民

患除香花溢路走且告磬鼓不到茅檐居回思神

禹陂九澤三千年中潮不淤飽聞秋風動歸客巨

口細鱗江多鱸揭來自宋逮明代揚塵幾見滄海

枯作傾良由智者鑿建閘之議堪揶揄以閘禦潮  
沙亦滯閘內閘外生崎嶇豈知江潮在天地本若  
元氣相轉輸一呼一吸盪腸胃焉有塞口防沾濡  
來源不裕閘何益刻舟頗笑前人愚不見黃浦閘  
不設未聞阻隔須爬梳瀏河白茆近有閘淺澀更  
與吳淞殊夏海諸公事已邈眼前蠡測誠區區三  
吳治水宜最亟請以此舉爲權輿

豐豫莊區田詩謝潘功甫惠新米

東坡詠秧馬滑汰蹕春雨石湖賦冬春歲晚閘農  
苦耦耕植杖古多賢豈獨鋤犁事田父潘子今之

汜勝之手訂農書析禾譜早無宦夢到千鍾恰有  
書田耘四部任郵全輸負郭莊籌車盡變汙邪土  
分畦布畛水深澆護葉培根糞芴取因時轉鋪勢  
則勞遷地爲良力尤普果然臭腐出神奇此日膏  
腴昔斥鹵膏樛陳根計已深嘉穰連脰結成縷卽  
看籬落富雞豚不待敦耕命鳩扈黃棉婦子語斜  
陽遙聽聲聲謹臘鼓一盤持贈比珠璣喜共村炊  
滌新釜因知周田一再易法本生民履帝武鹵莽  
應嗤泥古人考工未解周官補小詩待續于薦于  
歌詠豐年腹同鼓

朱知州殉節紀事

有序

明末四川嘉定州知州朱象先

儀

涇人也獻賊

破城儀舉火自焚妻胡氏子

命錫

同死道光四

年

旌表入祠蘭坡其族孫徵詩紀事茲索余作

於戲此吾在皖時奉

天子命所表揚

天子聖哲

恩澤及前代褒忠獎烈生幽光涇朱氏嘉州牧身殉獻

賊家全覆二百年來付劫灰一旦蒙

旌鬼應哭此舉本破格實援

恩詔覃其時同舉者則有廣德沈氏之烈四

元千戶沈壽三守廣

德明兵破集慶路死之二子

宏度皆戰沒妻王氏赴水死

祁門許氏之烈三

太學

生許文瑾郡庠生許文珩及其子生

佳同金聲死道光三年題

已邈至是乃得父子兄弟同一龕復有貴池四將

死明季

明副將馬應魁汪思誠參將程宗熹皆死揚州桂王將曹大鏞死廣信

黃氏

桐城項黃馬氏姊妹

祁門汪馬氏胡馬氏姊妹遭寇自盡俱道光四年題

旌照耀江北與江南

詔下人人皆喜悅共感

殊恩勵忠節明年我迺移吳門卽援此例闡幽魂江陰

事補闕典史

邵康公等數十人及各家屬婦  
女同闕典史殉難七年  
旌陽談

遠及六朝人

荆溪宜興請  
旌歷來殉難臣民  
自梁周晉陳周文育至元明凡十五

人又婦女王氏等十

案分新舊投沈淪

江陰又有  
固原參將

三口九年題

鍾維岳死巴里坤神木知縣徐之龍子廷綸寵綸

同死神木荆溪宜興有乙酉死事張琳等四十人

唐藩死事周源儒桂藩死事邵履正等六人更有

及婦女曹董氏二十四人均分案題

旌更有

一坊婦女三千十八口

武進陽湖二縣公舉歷來  
苦節婦女合為一案建總

坊立總祠七

此例從前原未有始由毘陵逮金陵

年題

上元江寧二縣公舉古今苦節

五百餘人公建總祠總坊二  
推之海內俾可遠

且人

總坊二案付梓刷印  
分咨各省仿照而行

小臣違式切恐惶

帝曰俞哉澤良厚遂令重泉白骨堆赤日明明灼陰膈

於戲

曠典被已多端因皖省開其首觀君此卷氣激昂如有  
風雷夜深吼蜀江嗚咽蜀山巉長照琴川其清黜  
諸公詩筆挾陽秋同年棣華蒞林香湖及桂  
船竹堂諸先生皆有詩徵以  
吾言當不朽

題韓襄毅公賜游西苑記卷尾

帝城景物誰第一瀛臺之山尤崒峩  
翠島芳林其明瑟是爲前朝舊西苑禁籞深  
嚴比溫室勝事猶傳天順年殊恩特紀臣雍筆時  
順三年已卯襄毅方爲右僉都御史在廷諸臣以次游是日同行人

四七

同游爲姚夔張用瀚楊昇鄒餘湯序李紹王復郝瑣周珣王福黃仕儁霍瑄翁世資王儉

彭時呂原張文質王溢尹文劉昭李茂李希安陳文齊政楊詢唐泰楊瑄凡廿九人惟副都御史林聰以疾未預

延緣池沼歷西東迤邐樓臺周甲乙川泳

雲飛俯仰寬簪花啜茗心神逸但聞傳旨速觥籌

更無司正糾觴律作詩志美兼自勵三百餘年尙

稱述從來君臣本一體與民同樂非宴佚卷阿吉

士矢來游泰交雅頌從斯出獨惜英宗中主耳復

辟紹璫仍怙侈桓桓韓公命世才圖爽英豪故無

比姦雄曾折逆藩謀勲伐終當藤峽紀循例之游

事偶然誓將報國心先以此時勸酒有中官

記稱太監

劉公牛公裴公奉命偕行每至一處延入供湯餅  
至南臺賜燕太監諭旨勸飲中官庖臣循例獻酬  
他日中官謫還起功名之際誠所難往古悠悠盡  
如此但能偉略應天心將星何必非孺子鐵鞭起  
舞彼何人虛聞放浪老山水

文綺園尙衣觀瀑圖

忽如身到匡廬顛銀潢屈注流青天又似移家水  
簾口萬壑松風滿窗牖視之卻是君畫圖靜對終  
朝洗塵垢君家世籍內掖門玉帶垂腰印繫肘不  
將羅綺競豪華偏愛煙霞繪林藪瑤軫惜惜石臥  
牀綠陰藹藹雲橫畝樹杪飛泉灑角巾竹外鳴禽

作樽酒此樂知從何處來翻愁清福難消受君言

寫意聊自娛桃源莫問境烏有烏有先生巫馬公

綺園姓圖中之人誰與同安得雙攜白玉杖騎鯨

跨鯉淩秋空

紀文達師九十九研齋第九十九研歌

銘云西洞殘石今或

偶有其出雖新其生已久譬溫太真居第二流之首嘉慶壬戌八月

紀公之硯九十九平正瑰奇無不有因方就圓寓

匠心肖石作銘出公手此硯相逢公耄年器以晚

成例居後數不取盈不滿百高齋榜揭字如斗以

硯名齋齋甫成以齋名硯硯斯壽擬古興懷第二

流仰若羣龍見其首神龍見首不見尾此尾居然  
出無右鳳咮應無牛後羞螺痕倒漬鯨波黥乍疑  
煙水浸如拳九十九洲雲夢藪又疑坡老賦仇池  
九十九峰環雪牖末座何妨著綠衣期頤有待增  
黃耇卻看銘語憶初鑄歲在壬戌月維酉其時我  
甫及公門桃李風前一株柳醉翁門生滿天下是  
科殿之信非偶三十年來衣鉢存遠許硯田分一  
畝諸孫好我惠瓊瑤硯爲公之孫  
樹裝所贈還記同人詩在  
口黃霽青梁蔭鄰二  
君曾以公硯賦詩風流應笑晉時人太眞失色  
爲誰忤世間百里半九十策後相期貞石友

送吳蘭雪同年之官黔西卽次題拙集原韻

詩人自抱煙霞骨致身富貴每無術天寒日暮毛  
羽摧鳳凰苦飢竹不實孤燈耿窗惟一帙風雨縱  
橫蠹魚泣揚子奇多不解嘲班生困久思投筆君  
不見吳侯吟肩聳若山力造絕頂忘其艱長安作  
者浩煙海吳侯視之曾不芥毛錐定乏蛟龍氣吳  
侯穎脫囊中遂曹劉鮑謝皆宗工吳侯萬治歸一  
銘胡爲乞米輸太倉大車呼嗥當改櫓管城豈無  
食肉法栽花候換鋤雲鋪一朝凍解頭上冰陽春  
在手得未曾五品書銜出仍赫六條察吏權可憑

卻攜詩卷來過此望風旗  
鼓先披靡從來聲音與  
政通民和在是君行矣我  
憶交君二十年他山琢  
句相磨鐫此行莫笑夜郎  
大極目雲天更是仙

梁蔭鄰玉帶還山圖

五祖戒師老偏鈍玉帶曾  
輸作山鎮石淙老人亦  
效顰轉語不須參佛印金  
山之帶至今傳焦山帶  
已無人問山僧合眼失元  
珠象罔從誰索塵空雪  
泥爪印迷飛鴻好事忽逢  
長樂公晉鑒居然反垂  
棘營寶俄聞歸大弓持比  
金山十六玉蜿蜒對挂  
雙青虹我昔采蘭過漫浦  
豐碑親拭龍潭古

楊文襄公

父官於岳遂居之文襄生澧州以巴陵籍舉於鄉  
其前母劉夫人葬澧州城北龍潭寺左墓前誥敕  
碑尚存字作魯公體余  
主講澧陽時屢過之  
頻年騎馬登北固落帆更

向焦山駐屢詢此帶竟無蹤祇怪神靈失呵護風

雅何期得替人作畫若爲留識句文襄游焦山詩  
有云留向他時

作畫看畫鄭作此圖  
謂作畫句成識也未論公案入禪宗且添佳話

供詞賦焦先洞口應大書題曰梁公還帶處

渦之水四章爲漢陽孫氏節母孝子賦

渦之水流啾啾黃鵠一雙渡漢來六翮未搏喪其

匹孤栖弔影心悲哀焉得渦兮流入漢與之比翼

歸相偕

渦之水滔滔注鵠有雛兮初破殼叶引吼叫雄雄  
不聞翼難以歸別雄去焉得漢兮流入渦與之同  
穴永相顧

渦與漢不可合兩水分流各鳴咽雛啞啞欲反哺  
不見父但見母千里飛來銜寸土土深木茂雛猶  
號望斷漢南兮魂悽悽

漢與渦合有時東流到海誰問之緩節歌傳芭辭  
迎母神棲父宇靈旗髣髴鵠雙舉鵠雙舉兮鑒雛  
心漢之廣矣渦齊深

句容道中

羣山迤邐來，句容大山迴。合小山宮長，驪一山更  
奇特。欲挽江水使勿東，天包地絡氣忼爽。面目宛  
與鍾阜同，高冠峩峩切雲表。俯瞰列嶂朝，附庸我  
來正值風雨後。崖松澗柏酣笙鏞，須臾晴空斂絮  
帽。馬頭正挂銅鉦紅。

題唐鏡海老屋讀書圖，卽送其重官粵西。

唐子家傳一枝筆，風雨縱橫書滿室。平生雅抱致  
君心，讀破萬卷不讀律。早年出守粵之西，口碑載  
徧荒江黎。一朝心痛驚臂，嚙身在湘南，望湘北，浮  
江一舸走金陵。剛及春杯奉顏色，頻年盧墓泰山

陽故居時復懷清湘三間舊樓環古木曾是當年  
老書屋此行仍作粵江行卻載圖書過湘麓湘中  
磊落多奇士黃虎癡鄧湘皋聯翩共張蓉裳李石

梧停舟一訊故鄉情應喜披襟談宛委獨憐二賀

棄官歸耦耕柘農以太夫人病同時告歸風雪倚廬方讀禮四海

人推楚寶賢難得君家名父子我有先人舊草堂  
牙籤萬軸多收藏廿年不歸塵掩卷爲君賦此增

徬徨

辛卯七月由儀徵回省三日不得渡風浪甚惡

鼉鼓虬頭不可降金鐘大鼓紛擊撞峨舸官舫不

得渡冷風急雨吹橫窗大波小波來翻江一口誰  
能吸老龐荻蘆瑟瑟戰且僵眼明不見鷺一雙對  
之凜凜神爲懣於庠老夫三日頭欲白何況吾民  
水宿已三月

蟠龍丈人歌

有序

雲臺山三元宮西澗有松一株最奇漱石枕流  
陰滿一山相傳三代以上物也其松高可五尺  
許圍稱之軀確甚而頂平無所見見二榦其北  
榦髮髯拂地行行且止忽化爲常山之蛇作一  
大團盤綴尾如連環然其南榦崛起穹窿如虹

梁大數斗鱗甲瑱璫力辟萬夫忽袒而露其臂  
再接再厲重苗二枝一東向如拜舞狀跌宕自  
喜若將飲於溪而昂於霄無能羈勒之者一南  
出而西顧亭亭然如承露之盤擎以仙人之掌  
其上結瑤臺瑤島層層掩映而蜃樓虬戶若可  
仰數焉至其飛髯走鬣枝撐節附面目殊特殆  
無分寸雷同者而同環曲折遙遙相應忽起忽  
落乍東乍西大力盤旋則又風雨離合不可湊  
泊按之仍一氣呵成不能不別其爲株爲榦爲  
柯葉也余行天下山水窟中所見多矣未有如

此松之夭矯離奇變化不可思議者驚喜之下  
就呼爲蟠龍丈人揭石其旁而聲之以詩庶爲  
茲山發潛德之光焉道光十二年壬辰四月二  
十六日

鬱洲之山濱海東有松鬱律蟠其中蟠天蟠地蟠  
不已勢若老龍拔崖起龍老頽且皴此松尤鱗鱗  
龍老牙而角此松殊嶽嶽上蟠碧落下蟠泉晴空  
白日生寒煙前蟠欲飛後蟠舞颿颿周旋中風雨  
問松自何年燭龍未出扶桑前蟠幾三千年一熟  
此松卑之猶晚族蟠李萬葉森中州此松視之亦

部婁蒼然古心復古色海屋近鄰龍伯國文章不  
露世已驚之而漫作誰能刻南陽抱膝吟東海繩  
牀心子魚握齧何足道捧腹來此荒山岑不羨大  
夫封豈利大人見在田在天躍亦潛泰山頂上窺  
眞面我今爲爾號號爾曰丈人卽松卽龍龍卽丈  
猶龍老子何其神不然十八公歲寒友蒼髯客支  
離叟爾名多矣於丈人乎何有袍笏雖無米老呼  
洞巖合遣靈威守重爲告曰龍之德也奇松之德  
也常以不常日有常是謂至柔馳騁天下之至剛  
世間不乏沈諸梁勿投時好爲虛張噫嘻哉松蟠

蟠龍矯矯伏處能無變化心長材肯作輪囷老待  
爾深山行雨歸余亦田間思荷蓀

壬辰七月二十八日登鍾阜小茅山祈雨次日卽  
甘霖大沛連日優渥八月初五日復登山報謝  
有作

白雲滃然走山麓似爲客來扶馬足三茅仙人立  
山頂招我入山看飛瀑連旬不雨禾則槁大地無  
煙甍行暴斂香手執躡天梯汗滴遑論熱方酷須  
臾一雨徧郊原生機頓起甦麻菽潺湲響奪枯槁  
聲坐聽溪流瀉新淥去歲無年滂已多今歲可堪

旱不熟盈虛消息理固然奉職無狀臣尤鯁情窮  
意迫難爲辭荷神之憐貽以穀一雨十日土生珠  
萬壑千巖泉漱玉廩堆敢擬百室盈原燎先收一  
路哭漫云正直能感通真有雷霆挾威福

龜山覽古

蘆灰填盡溺莫拯羽淵空戮黃能婁膈圻爰鍾蕙  
苒人收攝神姦歸九鼎從來地氣山澤通淮源出  
山行地中南江北河兩澎湃水母獨鎮支祁宮支  
祁有力逾九象金爪雪牙身五丈帝命庚辰鎖此

山然後淮流平似掌歲歲烏龍望母回

盱俗謂五  
月十三日

鳥龍至支祁并望母

風雨晦冥歲不愆期無復青猿驚鐵網此事流傳

未或非要知神力非人爲妖孽往往護巢穴深山

大澤生龍蛇君不見竅窳號刑天舞窮奇噪長蛇

鼓黃牛白狗峽色多伯益夷堅筆難數一從烈火

付朱熊長使夔岡憎雷雨鳴脾桓胡曷足云遠矣

臨流嘆微禹元圭告功四千年誰知此地成變遷

深谷爲陵岸爲谷虹隄一亘真茫然墨波沄沄雲

欲壓勢捲荆塗控巫峽廢址難尋南五臺

山舊有五峰名

爲南五臺洪濤亂落東三牖沿淮自此化滄波無麥無

禾野空呬可憐五百鐵頭僧欲渡無梁同入劫

山爲

五百梵行僧道場有鐵鑄羅漢千五百區金  
臂禪師建無梁殿以覆之今俱欲沈水中 嗟哉

禹法在廝渠載高能使東歸墟卽論轉運迫晷刻

有洩何如穿左肋

宋蔣之奇嘗穿龜山左肋以通漕

水底支祁冷

笑人此過非吾復誰責恩恩我是問津來卻聽木

魚正呼客

蔣丹林先生童子釣游圖

箬笠櫻衣吸朱履籊籊一竿釣新水乍疑天竺古

先生誰識漢皋舊童子先生名在白玉堂早曾濯

足陵扶桑扶桑望望瀛洲客香草芊眠來楚澤三

槐九棘列清班出入承明振朝籍文章一字國門

懸先生兩司風憲三任光祿再攝奉常爲大司收成時長郎廷對第一釋褐拜父於成均

取聲名四十年用舊鯽魚座上多名士錦鯉堂前

常躍淵大兒海上釣鼉手謂笙陔殿撰小兒烹鮮蜀江

口文孫總角騎赤鱗令孫譽侯癸巳探花花插一枝貫之柳

此皆磊落少年人人言先生仍未叟童顏不改大

人心孺歌遙和滄浪後往者入謝

楓階前玉甌搖影花連翩

天子臨朝賜顏色自是卿家絲世德世德絲絲子又孫巋

崑漢上森龍門閒福由來天恪子臥游權作煙霞

主鑑湖不乞賀知章某水興懷楊少府况兼飢溺

塵江鄉身在雲天心故土古人八十始釣璫爭及  
先生已辭組惟餘戀

閨五夜情報

國兒曹力加努扁舟一葉擬槎頭漫羨桐江弄煙雨  
太史如聞動客星斯圖永作傳家譜

汪少海孤山尋梅卷子

雪意欲霽光滿湖曉煙一色湖心鋪古枝亂插白  
玉壺鶴夢乍醒如可呼望中一抹孤山孤記有隱  
士日林逋遺橐久無封禪書祇餘梅花三百株年  
年花開湖上居湖水清徹心神如雪花一夜飛輕

珞梅花顏色寒更舒何人放櫂來湖壩踏雪欲訪  
花仙驪桃花潭上君舊廬早更移家傍成都錦水  
豔照城頭芙蓉眉削翦三峰腴三峰雪浸眉與鬚  
半生宦轍同髯蘇道江入海南行紆世間歧路多  
崎嶇羊腸歷鹿回其車行歌猶唱于薦于父老牽  
衣兒挽裾使君之清冰不踰使君之明水決渠使  
君去矣心有餘使君心有濟民輸一如山在湖心  
儲山空得花山意愉湖寬得山湖自虛育泉石  
知誰除故鄉有此湖山無卽今臥轍號寒鳥一枝  
折贈行且徐姑射仙人冰雪膚文章尤落山水區

山間明月花曾鋤爲君留作西湖圖

新建陶節母壽萱圖

章江迤邐趨彭蠡宮亭湖作古井水小姑化石隨  
彭郎屹立江心波不起長橋忽傾老蛟怒崩崖亂  
捲雲中樹可憐踏浪王子安箜篌枉唱公無渡此  
時招魂魂莫歸沿流悽惻號江婁忽從沙上得湘  
纍始識曹娥誠感微蒲盧聲裏羸仍負封樹親栽  
正邱首楹書手澤付雙雛昔也嬰妻今侃母大兒  
寄生連枝榮小兒根幹樛縱橫名成應識九熊教  
養備難酬茹藥情祇今愛日迎慈佛萱堂介壽光

綸綍惟祝毋忘封鮮言八州原是吾家物

貞女朱氏頻伽禮佛圖

不作比翼鳥不作共命禽時出妙香妙聲音冬青  
樹兮娑羅林樹倒藤枯何處尋優曇舌兮妙蓮心  
百八摩尼一絃琴天雨花兮法雲陰室寥寥兮德  
悄悄人間恩愛不可任請君試聽孤鶴吟叮嗟彼  
美人兮西方之人